

ATTU DE COSTITUZIONI DE SA ASSOCIATZIONI RADIOAMATORIALI SARDINIA QRP (IS QRP)

Sa diri setti de su mesi de gennargiu de s'annu duamilla e cinqu a is sesi e mesu de a meri', in sa domu de via Santa Rita a su numeru noi, in sa biddha de Ceraxius, s' est riuniu su comitau chi at promoviu s'Associatzioni Radioamatoriali Sardinia QRP, po eaminai, discutti e ditzidiri custus argumentus:

1. approvazioni de s' Attu de Costituzioni de s'Associatzioni Radioamatoriali Sardinia QRP;
2. eletzioni de su Contzillu Direttivu e votu po nomenai su Presidenti, su Vice Presidenti e su Segretariu.

Funti presentis: Franco Bachetti IS0VSU, Matteo Bachetti IS0FQA, Piergiorgio Nonnis IS0SDX, Patrizio Bina IS0FQK, Bruno Demurtas, Giorgio Demurtas, Giommaria Pintus, Rita Ragatzu.

No funti presentis: Roberto Sechi IS0ICE, Guido Pegna, Miriam Porceddu, Alduccio Scano, ma cunfirmanta, cun sa firma posta dopu sa di de oi, ca funti de accordiu cun tottu su chi s'ad'a ditzidiri in custa riunioni.

Beninti nomenaus:

1. Franco Bachetti **IS0VSU** presidenti de sa riunioni;
2. Piergiorgio Nonnis **IS0SDX** segretariu de sa riunioni.

Si discutidi su primu argumentu in programma : approvazioni de s' Attu de Costituzioni de s'Associatzioni Radioamatoriali Sardinia QRP.

S'assemblea, dopu una grandu discussioni approfondia, po fai cumprendi is arrexionis chi anti pottau a fai nasci custa associazioni, e a pustis de essi ligiu e esaminau a fundu dognia articulu de su statutu, ditzididi a s'unanimidadi:

1. est costituia s'Associatzioni Radioamatoriali Sardinia QRP (sigla IS QRP);
2. s'Associatzioni s'agattada in via Santa Rita, n. 9 a Ceraxius, in provincia de Casteddu;
3. s'Associatzioni creidi in sa libertadi e sa democrazia, e in sa lei de is "Radioamatoris " e de is "Scout";
4. is finalidadis de aggregatzioni sociali, de solidariedadi, de volontariu e is attividadis de giogu, de cultura, de sport e de tempus liberu e s'organizzazioni de s'Associatzioni, funti ditzidias de su Statutu, chi benit liggiu, approvau e fait patti de cust'attu e intrat in vigori de custu momentu;

5. s'Associatzioni non tenit scopu de guadangiu e est conziderada comenti un'associatzioni chi non est riconnotta (art. 36 C.C.), est un'entidadi non commerciali de tipu associativu e arrespundidi a su D.Lgs. 469/97;
6. sa marca de s'Associatzioni est su Nuraghe de Santu Antine (Torralba - SS) cun sa scritta "IS QRP Sardinia QRP Club".

Si discutidi su segundu argumentu: eletzioni de su Contzillu Direttivu e votu po nomenai su Presidenti, su Vice Presidenti , su Segretariu e is Contzilleris.

A pustis de sa discussioni si ditzididi a s'unanimidadi de nomenai su Contzillu Direttivu e donai is incarrigus segundu cantu si narada a pustis:

Presidenti	Bachetti Franco	IS0VSU
Vice Presidenti	Nonnis Piergiorgio	IS0SDX
Segretariu	Pintus Giommaria	//
Contzilleris	Bachetti Matteo	IS0FQA
	Bina Patrizio	IS0FQK
	Demurtas Bruno	//
	Demurtas Giorgio	//
	Pegna Guido	//
	Porceddu Miriam	//
	Ragatzu Rita	//
	Scano Alduccio	//
	Sechi Roberto	IS0ICE

Su Contzillu Direttivu s' ad a riuniri a pustis chi s'Attu Costitativu, cumpletu de su Statutu, siat steti registratu regolarmenti.

Spacciaus is argumentus de discussioni, a is ottu e mesu su Presidenti serrada s'Assemblea.

Su Presidenti

Franco Bachetti IS0VSU

Su Segretariu

Piergiorgio Nonnis IS0SDX